

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCCCXXI.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

CCCCXI.

LITTERÆ INVESTITURÆ CHRISTOPHORO
ET ALBERTO MARCHIONIBUS BAD. A
FRIDERICO IV. IMP. DATÆ.

ANNO MCCCCLXXV.

Ex Tabulario Badensi.

Wir FRIDERICH von Gottes Gnaden Römischer Kaiser &c. &c.
Bekennen vnnnd tun kund öffentlich mit diesem Briewe, allen den
die ihne sehen oder hören lesen, daß für vns kommen ist der Hochgebohrne
Christoph, Marggrave zu Baden vnnnd Graue zu Spanheim, vnser lieber
Oheim vnnnd Fürst, vnnnd hat vns gebetten, daß wir ihme von sein selbs und
des Hochgebohrnen Albrechts, auch Marggrauen zu Baden, vnser lieben
Oheims, vnnnd Fürsten seines Bruders wegen die Marggravschafft Baden, die
Marggravschafft Hochberg, die halbe Gravschafft zu Eberstein, die Herrschafft
Tfenberg, auch die Lehen die von weilent Hans Reimbolten und Burckhardten von
Wyndeck an ire vordern kommen sind, woran oder was das sey und andere
Herrschafften, alles mit Stetten, Schlossen, Märckten, Dörfern, wo sy die ha-
ben vnnnd gelegen sind, auch das Dorff Stutzheim im Strasburger Bischthum ge-
legen, mit allen ihren Rechten, Nutzen vnnnd zugehörungen, Freyheiten,
Gnaden, Herrlichkeiten, Zollen, Gelaiten, Vngelten, Müntzen, Jahr-
messen, Landgerichten, vnnnd andern Gerichten, guten Gewohnheiten, Be-
sitzungen,

sitzungen, Eigenschafften, Landen vnnnd Leuten, Clöstern vnnnd Closter,
 Vogteyen, Mannen vnnnd Mannschafften, Lehen vnnnd Lehenschafften, Geist-
 lichen vnnnd Weltlichen, Zwingen, Beunen, Kreyssen, Welden, Holtzern,
 Böschern, Velden, Weyden, Wässern, Wasserleuffen, Fischereyen, Gejag-
 den, Wildpennen, Bergwercken, Zinsen, Gülten, vnnnd allen Pfandschaff-
 ten, Ampten, vnnnd anders, so weylend der Hochgeborn Carle Marggrav
 zu Baden vnnnd Grave zu Spanheim, ir Vatter vnnnd Vordern redlich inge-
 habt, vnnnd besessen haben, vnnnd nach Abgang mit Tode desselben irs Vat-
 ters an sy kommen sein, so viel der, vnnnd was daran von vns vnnnd dem Hey-
 ligen Rich zu Lehen rührend zu verleyhen gnädiglich geruheten, deß haben
 wir angesehen des vorgenanten vnser lieben Oheims vnnnd Fürsten Marggrav
 Christophs redlich vnnnd zimlich bette, auch die gantz lautter Trewe, die
 er vnnnd der vorgenant vnser Oheim vnnnd Fürst Marggrav Albrecht sein
 Bruder zu vns, vnnnd dem Heyligen Rich haben, vnnnd darum mit wolbe-
 dachtem Mute, gutem Rate vnser vnnnd des Reichs Chur-Fürsten, Graven,
 Edlen, vnnnd getrewen, dem vorgenanten vnserm Oheim vnd Fürsten, Marg-
 grav Christophen in Gemeinschaft mit Marggrave Albrechten, seinem Bru-
 der die obgenantden ire Lande, Marggravschafft vnnnd Herrschafft, mit
 Stetten, Schlössern, Märckten, Dörffern, Weylern, Höffen, wo sie die ha-
 ben, oder gelegen sind, mit allen vnd yglichen Mannschafften, Herrschaff-
 ten vnnnd Lehenschafften, Wirden, Eren vnnnd Rechten darzu gehörrende,
 alsdann die etwann Marggrav Carle, ir Vatter vnnnd Vordern Marggra-
 ven zu Baden redlich ingehabt, besessen vnnnd auff sy bracht haben, gereicht
 vnnnd verlihen, reichen vnnnd leyhen die ihme auch von Römischer Kayserli-
 cher Macht vollkommenheit in crafft diß brieffs, was wir dann von rechts
 wegen daran verleyhen sollen oder mögen, die zu haben, zu gebrauchen vnnnd

Cod. Dipl. P. II.

E e e

zu genießen, von allermänniglich ungehindert, doch vns vnnnd dem heiligen Reich in alwege an vnser Oberkeit, Gewaltfam vnnnd Rechten vnvergriffenlich vnnnd vnschedtlich, vnnnd hat auch iber obbenannt, vnser Oheim vnnnd Fürst Marggrav Christoph von sein selbs vnnnd des obbenannten Marggrav Albrechts, seines Bruders wegen, sollich gewondlich Geliebde vnnnd Eyde persöhnlich getan, die dann vnser vnnnd des heiligen Reichs-Fürsten vns als Römischen Kayser, von solcher Lehenschafft wegen zu tunde schuldig vnnnd pflichtig sind, getrewlich vnnnd ohngefährlich. Mit Urkandt diß Brieffs, besigelt mit vnsern Kayserlichen Mayestatt anhangendem Insiegell. Geben zu Franckfort am Fritag vor Simonis Jude des heyligen zwölff Botten-Tag nach Christi Geburde, vierzehenhundert, vnnnd im Fünff vnnnd Siebenzigsten, vnserer Reiche des Römischen im Sechts vnnnd Dreißigsten, des Kayserthumbs im vier vnnnd zwaintzegsten, vnd des Hungerischen im Sybenzehenden Jaren.
